

Месяца августа в 18-й день

**Пресвятая Владычица наша Богородица и Приснодевы Марии
ради иконы Ея, именуемая «Всецарица»**

На велицей вечерни

На Господи, возвах: стихиры праздника и Богородицы, глас 8.

Подобен: О, преславного чудесе:

**О, пресла́внаго чудесе́!/
Преблагослове́нная Богома́ти
Всеца́рица/
от горы́ Афони́ския в Росси́ю прихо́дит./
Церковь Русская,
взыгра́й, ликовству́ющи,/ зря́щи святы́й о́браз
Присноде́вы,/ к нему́ же
припа́дающе, благода́рне к Богоро́дице
возопи́м:/ раду́йся, землю
нашу благоуха́ния испо́лнившая,/ раду́йся,
алава́стре ми́ра
Божество́ннаго,/ раду́йся,
Держа́вная Цари́це.**

**О, пресла́внаго чудесе́!/
Все́х Госпо́дь и Влады́ка/
благоволи́ от
Де́вы воплоти́тися/
и плоть челове́чу восприя́ти/
и Сыно́м Пречи́стыя
нареци́ся,/ Ю́же яви́
Спору́чницу спасе́ния на́шего./
Те́мже весе́лия
духо́внаго исполня́емся/
и славосло́вим Ма́терь Бо́жию,
Небесе́ и
земли́ Цари́цу.**

**О, пресла́внаго чудесе́!/
Исто́чник чудотворе́ний
приснотеку́щий/
от святы́я ико́ны
Всеца́рицы/
землю Русскую
напо́яет/
и благода́ть неоску́дно
подае́т/
и исцеле́ния бога́тно
да́рует./
Те́мже к Богоро́дице
усе́рдно вопие́м:/
уврачу́й я́звы душ
и теле́с
на́ших,/ Ты бо еси́
ми́лости река́
неисто́щима́я.**

**О, пресла́внаго чудесе́!/
Пречи́стая Де́ва
Богоро́дица,
мольбы́
недостойны́я
прие́млющи,
честны́м Свои́м
омофо́ром нас
покрыва́ет/
и проше́ния
неду́жных
исполня́ет/
и боле́зни
неисцельны́я
врачу́ет./
Те́мже
ве́рнии
весе́лия
исполня́ются/
и благода́рени́я
песенна́я**

возсылают,/ прославляюще Заступницу Усердную рода христианского.

Слава, и ныне, праздника, глас 4: Приидите, воспоем, людие:

Вход. Прокимен дне. И чтения Богородичная.

На литии стихиры, глас 4:

Богоблаженная Отроковице,/ Ты еси Ангелов и человеков радование/ и Владычень Престол огнеобразный,/ светолучныя молнии благодати испущай/ и Божественное Слово на Себе херувимски носай./ И мы ныне поем и песнословим Тя:/ радуйся, мира Державная Владычице.

Пресвятая Мати Дево,/ Ты еси Царица Небес и земли,/ добродетельми, яко светлою диадимую, украшенная,/ темже восхваляем Тя, Препоблагословенная,/ и, чествующе образ Твой святой, молимся:/ помози покаянием сердца очистити/ и благоуханием добродетелей исполнити.

Слава, и ныне, праздника, глас 5: Воспойте, людие, Матери Бога нашего:

На стиховне стихиры, глас 5:

Подобен: Радуйся:

Радуйся, земле Русская,/ имущи чудотворный образ Всецарицы Богородицы,/ иже, яко звезда светозарная,/ пределы твоя просвещает./ Приидите, вси людие, припадём к Пречистой Отроковице,/ болезни щедро исцеляющей,/ от злостраданий скоро избавляющей,/ от напастей духов злобы свободяющей/ и печали елеем милости утоляющей./ О, Мати Всеблагая,/ преукрашенная благочестия добротами,/ облецы ны целомудрия одеждами/ и не остави любовьию чтущия Тя.

Стих: Слыши, Дщи, и виждь,/ и приклони ухо Твое.

Рáдуйся, землѣ Рýсская,/ дом Пресвятыя Богородицы наречѣнная,/ ликуй, красуйся и торжествуй,/ дар драгоценный воспримши/ от удела перваго Богородицы, Святыя горы Афѳонскія,/ многоцелѣбный образ Приснодѣвы,/ емуже с верою покланяющесе,/ воспеваем из глубины сердечныя:/ о Благословенная Царице,/ Ты ведаеши чаяния и воздыхания душ наших,/ не остави нас, Любоблага, / подаждь нам помощь спасительную/ и утѣши нас Твоим Небесным предстательством.

Стих: Кля́тсѣ Господь Давиду истиною,/ и не отвержется ея.

Ныне соберитесе, людие Божии,/ придите, вси концы земли,/ се бо образ небосветлый Марии Девы Всецарицы/ созывает к веселию верныя./ О, велия милость Владычицы!/ О, паче ума чудес множества,/ чрез икону сию источаемых!/ Темже песенными похвалами воспойм, глаголюще:/ радуйся, Всенепорочная Дѣво,/ радуйся, Ковчеже священныя Слова Божия,/ радуйся, Обрадованная,/ радуйся, Цвете неувядаемый чистоты нетленныя,/ радуйся, Невѣсто Невѣстная.

Слава, и ныне, праздника, глас 2: Давидскую песнь днесь, людие, воспоем Христу Богу:

Тропарь, глас 4:

Образом Твоим радостотворным, / Владычице, Всецарице Богородице, / болѣзни и недуги наша исцели / и от всяких бѣд и напастей огради, / к заступлению Твоему присно прибегающих.

На утрени

По 1-м стихословии седален, глас 4:

Благослови ны, во юдоли земной странствующия, Всевышняя Богородительнице, Небесе и земли Царице, да, песнями и пеньми ликовствующе, воспойм пришествие святого образа Твоего.

Слава, и ныне, праздника, глас тойже: В славней памяти Твоей:

По 2-м стихословии седален, глас 6:

Покаяния двери отверзи нам, Госпоже, и сокрушения исполни сердца наша, да сподобимся представством Твоим грехов оставление и недугов исцеление.

Слава, и ныне, праздника, глас тойже: Твое преставление, Чистая, вси вернии восхваляюще:

По полиелеи седален, глас 4:

Ныне приспе день светлаго торжества, вся земля Русская радуется пришествию честного и многоцелбного образа Пресвятыя Богородицы Всецарицы. Сей бо, якоже солнце незаходимое, возсия светозарными лучами, отгоняя тьму искушений же и бед от вопиющих верно: спаси ны заступлением Твоим, Всеблагая Владычице.

Слава, и ныне, праздника, глас тойже: Возопий, Давиде, что сей праздник:

Степенна, 1-й антифон 4-го гласа. Прокимен, глас 4: Помяну имя Твое/ во всяком роде и роде. Стих: Отрыгну сердце мое слово благо, глаголю аз дела моя Царевы. Всякое дыхание: Евангелие от Луки, зачало 4.

По 50-м псалме стихира, глас 6:

Радуйся, Богоблагодатная Дево,/ радуйся, златозарная Заре Света не вечерняго,/ радуйся, неугасимая милости Лампадо,/ елеем радования сердца наша умащающая,/ радуйся, христиан Упование,/ радуйся, ненадежных Надеждо,/ радуйся, Радосте наша.

**Канон праздника, глас 1, со ирмосом на 6, и канон Богородице
Всецарице на 8, глас 4.**

Песнь 1

***Ирмос:** Отвѣрзу уста моя,/ и наполнятся дѹха,/ и слово отрыгну
Царице Матери,/ и явлюся, свѣтло торжествуя,/ и воспою радуясь,
Тоя чудеса.*

О, Преблагая Застѹпнице наша! Недоумеем песнословити Тя по
достоянию, обаче любовью понуждаеми, молим Тя: сподоби принести
Тебе пѣсни благодарственныхя.

Приидите, вернии, ко всечестному образу Богородицы
Всецарицы припадѣм, обѣмем сердцем и лобызаем устны, со
умилѣнием молящися Всемилостивой Владычице.

От Небесных слави́мая и от земных ублажа́емая, дѣвственными
добротами преисполненная, Пречистая Дѣво, прими́ моления́ наша и
призри на нас благоувѣтливым взором Твоим.

Дивны чудеса́ Твоя, Господи, яко даровал еси миру преславную
Богоотроковицу Марию, от всех родов избранную во спасѣние рода
человѣческаго.

Песнь 3

***Ирмос:** Твоя песнословцы, Богородице,/ живый и независтный
Источник,/ лик себе совокупльшия духовно утверди,/ в
Божественней Твоей славе/ венцев славы сподоби.*

Ты еси источник злато струйный, росу утешѣния источаяй
сердцам скорбящим, о Царице Дѣво. Ободри ны в час испытанія, от
отчаянія избави и слѣзы претвори в росу небесныя радости.

Молим Тя о срѣдницах наших, Госпоже Всецарице, исцели́
недуги неисцѣльныя, устави раковыя язвы стужѣние, терпѣние
неистощимое страждущим дауй и слезами покаянія омый сердца их.

Любы́ Твоя, о Богома́ти, я́коже огонь небесный, да зате́плит в сердца́х наших светлосия́нныя свети́льники моли́твы и любви́.

О, Всесвѣтлая Влады́чице, покрый́ нас честны́м Твоим омофо́ром и светоно́сными луча́ми благодати́ отжени́ те́мный о́блак печале́й на́ших.

Кондак и икос праздника.

Седален, глас 8:

Дне́сь пра́зднуем прише́ствие честна́го о́браза Твоего́, Ма́ти Бо́жия, к нему́же с верою припа́даем, Всеблаже́нная, и мо́лим Тя: посети́ су́щия в боле́знях и печале́х, и покрый́ от бед и зол рабы́ Твоя.

Песнь 4

Ирмос: Седя́й в сла́ве/ на Престо́ле Божества́,/ во о́блаце ле́гце,/ прии́де Иису́с Пребоже́ственный/ нетле́нною Дла́нию, и спасе́ зову́щия:/ сла́ва, Христе, си́ле Твоей.

В зно́и неисце́льных боле́зней стра́ждущим одожди́ ка́пли небеснаго милосе́рдия Твоего, Пречи́стая, и благодати́ прохла́дою услади́ души́ изнемога́ющия.

Купи́на Тя неопальна́я прообразова́ше, о Цари́це Де́во, не опали́ бо чрево Твое́ огонь Божества́. Те́мже мо́лим Тя: огня́ ге́енскаго изба́ви ны.

Раду́йся, Богоизбра́нная Отрокови́це, одушевле́нный Хра́ме, Черто́же Слова́ Бо́жия, во святы́й храм во младе́нческих ле́тех введе́нная и та́мо воспита́нная. Те́мже мо́лим Тя: научи́ и ны ко храму́ Божию́ усердно́ прилежа́ти.

Ты́ от свята́го Ангела́ пи́щу небесную́ прие́млющи, под се́нию храма́ Господня́ пребыва́ла еси́, Дево́ Нетле́нная. Темже́ напитай́ и наша́ во страстех́ изсо́хшия души́ и сподо́би Христо́вых Таин́ досто́йно причаща́тися.

Песнь 5

***Ирмос:** Ужасóшася вся́ческая/ о Божéственной сла́ве Твоей;/ Ты бо, Неискусобра́чная Дево,/ имéла еси во утробе над всеми Бога,/ и родила́ еси Безлётнаго Сы́на,/ всем воспевáющим Тя/ мир подава́ющая.*

О, Всеблаже́нная Богома́ти, согрешáющих исправлénие, умягчи́ изсо́хшую зéмлю серде́ц на́ших, да, приéмше се́мена сло́ва Бóжия, досто́йныя плоды́ покая́ния принесéм Влады́це Христу́.

Поги́бших Ты еси Взыска́ние, Присноде́во Мари́е, и Ходáтаица о нас к Сыну Твоему и Богу, Ты еси Приста́нице спаси́тельное обурева́емым в мо́ри житéйстем и погружа́емым напáстьми многими.

То́ками благода́ти, чрез святы́й о́браз Твой, Всецарице, на нас излива́емыми, омый грехов наших сквэрну и угаси́ страстéй пещь, да обря́щем чистоту́ серде́чную и унеvéстим души Хри́ту, Спа́су на́шему.

Ра́дуйся, Всепéтая Цари́це! Зарю́, наставля́ющую к свету, возсия́й душáм на́шим, рóждшая Со́лнце пра́вды Христа́, Ра́дость и Спасéние ми́ру.

Песнь 6

***Ирмос:** Божéственное сие и всечестно́е/ соверша́юще пра́зднество,/ богому́дрии, Богома́тере,/ приидите, руками восплэ́щим,/ от Нея рóждшагося Бога сла́вим.*

Не возгнушáйся нас, многогрéшных, о сладкоухáнный Крине чистоты́! Отжени́ плотско́е мудрова́ние, уста́ви молву́ лука́вых помышлénий и сподóби добродéтелей благоухáние Творцу́ присно приносíти.

Помози́ нам, Богоневéсто, нра́в смире́н стяжа́ти, всегда́ ра́доватися, за вся́ Творца́ благодарíти, и ко Христу́, Спаси́телю на́шему, непреста́нно молíтися научи́ ны.

Прише́ствием ико́ны Твоея́ озаряеми, мо́лим Тя, Всецари́це: б́уди нам, грѣшным, Споручница, на стези́ спасительныя наста́ви, побори́ борю́щия ны и побѣду непобедимую во бранѣх да́руй.

О, чистая Голуби́це, Несквѣрная Агни́це, Агница и Па́стыря неизрече́нно ро́ждшая! Вои́стину Ты еси́ а́нгельских чинов превы́сшая, умоли́ о нас Божѣственнаго Сы́на Твоего.

Кондак, глас 8:

Новоявлѣ́нной иконе Богоро́дице Всецари́це предстоя́ще/ и на лик Тоя́ взира́юще,/ со умилѣнием и любóвию глаго́лем:/ низпосли́, Влады́чице, цельбы́ к Тебе притека́ющим,/ и пода́ждь утешѣние в скóрби сущим,/ да, восприѣ́мше милость, благодарне воззовѣ́м Ти:/ Радуйся, Всецарице, недуги наша благодáтию исцеля́ющая.

Икос:

А́нгел предста́тель с небесе́ по́слан бысть, рече́ Богоро́дице: радуйся, Благодáтная, Господь с Тобою! И, со боговещáнным гласом воплоща́ема зря Го́спода, возопи́ к Ней такова́я:

**Радуйся, главизно нашего спасения;
радуйся, Исполнение Зиждителя смотра́ния.
Радуйся, яко Тобо́ю Бог воплоти́ся;
радуйся, яко Невидимый в Тебе изобрази́ся.
Радуйся, Милость мира внутрь прии́мшая;
радуйся, одея́ние плоти́ Сло́ву сотка́вшая.
Радуйся, уму непости́жная го́рняя сла́во;
радуйся, сердца́ оживи́вшая небѣ́сная ма́нно.
Радуйся, Звездó, благодáти сия́ние;
радуйся, Исто́чнице, живы́я воды́ изли́яние.
Радуйся, Богоро́дице, в жена́х благословѣ́нная;
радуйся, ро́ждшая Спа́са, Дево нетле́нная.**

Радуйся, Всецарице, недуги наша благодатию исцеляющая.

Песнь 7

Ирмос: Не послужиша твари богомудрии/ паче Создавшего,/ но, огненное прещение мужески поправше,/ радовахуся, поюще:/ препетый отецв Господь и Бог, благословен еси.

Сподоби ны, Преблагая Богородительнице, преславное имя Иисусово умом и сердцем призывати и сею молитвою услади горечь печалей и скорбей наших.

Притецье, вси здравия ищущии, ко благосердой Деве Марии Богородице и почерпите воду жизни от источника спасительнаго.

Благословен еси, Господи Иисусе Христе, Спасителю наш, яко в час крестных страданий Твоих благоволил еси поручити ны покрову Пречистыя Матере Твоея и чадами Ея соделал еси.

Радуйся, одушевленная Палато Божества, едина неискусомужная Дево Марие, во утробу девственную Бога вместившая. Темже с Гавриилом Архангелом вопиём Ти: благословенна Ты в женах, и благословен Плод чрева Твоего.

Песнь 8

Ирмос: Отроки благочестивыя в пещи/ рождество Богородичо спасло есть:/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела,/ и превозносите Его во вся веки.

О, Богомати Всецарице, просвети ны познанием Сына Твоего, да, наследствующе Царствие Небесное, воспоём Господа и превозносим Его во вся веки.

Сила Божия в немощи совершается. Темже сподоби ны, Госпоже, вся посылаемая нам со благодарением терпети и за вся Сына Твоего и Бога нашего славити.

Умири́ сердца́ на́ша и в ти́шинé помы́слóв соблюди́, Всесвята́я Мати́ Дево, да, моля́щеся на вся́кое время, Господа́ благослови́м и превозно́сим во вся веки.

Во успéнии мира не оста́вила еси, о Богома́ти, но при́сно с нами пребыва́еши и предста́тельством Твоим нас спаса́еши.

Песнь 9

***Ирмос:** Всяк земнорóдный/ да възгра́ется, Ду́хом просвеща́емь,/ да торжеству́ет же безплóтных умóв естество́,/ почита́юще священное торжество́ Богома́тере,/ и да вопи́ет:/ ра́дуйся, Всеблаже́нная,/ Богороди́це чистая Присноде́во.*

О, Цари́це Де́во, ра́ковыя я́звы предивная Целите́льнице! Яви́ Свою́ ми́лость в долгонеду́жии сущим и пода́ждь им здра́вие, да воспева́ют вы́ну Тя, Всебла́гая Ма́ти Бо́жия.

Ви́ждь, Влады́чице, неможéние на́ше и приими́ смире́нная молéния на́ша, бу́ди нам Блага́я Путево́дительница ко спасéнию и наста́ви путе́м тэ́сным шéствовати к жи́зни вéчной, да Тя непреста́нно велича́ем.

О, Ма́ти милосéрдия и утешéния! Ущэ́дри ны неизрече́нною Твоёю благосты́нею и благослови́ ны, тёпле Тя воспева́ющая.

Вси рóди христиа́нстии ублажа́ют Тя, Богороди́тельнице Пречи́стая, яко призре́ Господь на смире́ние Твое и сотвори́ Ти величие неисповедíмое.

Светилен:

Свётел есть честный́ праздни́к иконы́ Твоя́, Всецари́це, его́же в торжестве́́ духо́внем благоле́пно соверша́юще, велича́ем Тя, светоно́сная Скин́ие Христа, Царя́ и Бога́ нашего.

Слава, и ныне, праздни́ка: Апостоли от конец:

На хвалитех стихи́ры праздни́ка и Богороди́це Всецари́це, глас 1.

Подобен: Небесных чинов:

Небесных чинов радование/ и земнородных крепкое упование,/ Небеснаго Царствия пресветлое сияние,/ Пресвятая Всецарице,/ приими ны, славящая Тя,/ да, Тобою водими, сподобимся спасения вечнаго.

Светом Небесным осиянная,/ Отроковце Мати всех Царя Христа,/ таинству сокровенному неизреченно послужившая,/ Ты к горнему умы и сердца наша возводиши/ и святые иконы Твоя людям даруеши,/ яко светильники света невещественнаго.

Небесный Хлеб во чреве приемиши,/ Мати Спаса нашего,/ Жизнь и Свет всего мира родила еси,/ просвети убо души наша, грехми омраченные,/ да с верою и любовью к Источнику бессмертия приступим/ и причастницы жизни вечной будем.

Слава, и ныне, праздника, глас 4: Всечестное Твое усупение:

На Литургии служба Богородицы.

Молитва

О, Пречистая Богомати, Всецарице! Услыши многоболезненное воздыхание наше пред чудотворною иконою Твоею, из удела Афонскаго в Россию пренесенною, призри на чада Твоя, неисцельными недуги страждущия и ко святому образу Твоему с верою припадающия! Якоже птица крилома покрывает птенцы своя, тако и Ты ныне покрый нас многоцелебным Твоим омофором. Там, идеже надежда исчезает, несумненною Надеждою буди. Там, идеже лютыя скорби превозмогают, Терпением и Ослабою явися. Там, идеже мрак отчаяния в души вселися, неизреченным светом Твоим возсияй! Малодушныя утеши, немощныя укрепи, ожесточенным сердцам умягчение и просвещение даруй. О, Всемилостивая Царице! Исцели болящия люди Твоя, устави раковыя язвы стужение и благослови

врачующих нас, да послужат орудием Всемощного Врача, Христа Спаса нашего. О, Владычице, Радосте скорбящих и печальных Утешение! Прости рuce Твои, исполненные исцеления и врачбы, да, чудотворную помощь скоро получивше, прославим Живоначальную и Нераздельную Троицу, Отца и Сына и Святаго Духа во веки веков. **Аминь.**

Молитва болящего

О, Всеблагая, досточудная Богородице Всецарице! Несмы достоин, да внидеси под кров мой! Но, яко милостиваго Бога любоблагоутробная Мати, рцы слово, да исцелится душа моя и укрепится немощствующее тело мое. Ты бо имаши державу непобедимую, о Всецарице, и не изнеможет у Тебе всяк глагол. Ты за мя упроси, Ты за мя умоли Христа Бога нашего, да прославляю преславное имя Его всегда, ныне и в безконечныя веки. Аминь.